



Taem go onlaen foa konekt wetem oketa narafala pipol hemi save fan an gud tumas. Bat hemi impotent foa save dat i no everi koneksin o pipol hemi hu oketa talem. Oketa man foa skam save tumas an oketa save tagetem eniwan, an trae foa trikim iu o eniwan iu save long slen o pesinol infomeisin. Hemi impotent foa lane hao foa luk save an avoidim oketa man save skam so dat iumi save help foa protektim iumi seleva an oketa frens blong iumi an famali.

### Oketa komon taep skam

Skam save hapen long diferen wei, long imeil, sosol midia, fon kol, teks mesej an tradisinol leta o narafala dokiument. Oketa kon taep skam hemi inkludim:

- o **Praez an promoson skam man** save kleimim dat iu winim wanfala praez o lotari an askem iu foa pei o searem infomeisin blong iu foa tekem disfala praez – bat tru stori, no eni praez.
- o **Oketa fren skam man** save talem gud tings abaotim iu an talem dat iu luk ‘naes bola’ o ‘intaresting’, o talem dat oketa garem staka slen. Oketa save trae foa fren wetem iu, bat afta oketa save laya long iu foa iu givim oketa selen, o searem infomeisin blong iu o praevet foto.
- o **Sariti skam man** save pritend osem wanfala oganaeseisin o wanfala man wea save kolektim doneisin foa asistim wanfala man o pipol wea garem nid. Bata oketa trae foa tekem selen foa oketa seleva.
- o **Waka, loan, investment an kriptokaresi skam man** save ofarem gud waka, loa kost loan o narafala wei foa wakem slen kwik taem an askem iu foa peiment foa aksesim disfala sas, bata tru stori diswan hemi no eksist.
- o **Phishing** hemi taem wanfala skama hemi trikim pipol an pritend osem wanfala tru stoa, bank o oganaesisin, foa searem pesinol infomeisin osem nem blong oketa, adres, bank diteil o onlaen paswod. Oketa save iusim disfala infomeisin an pritend foa osem iu, foa laya long narafala pipol foa selen an infomeisin.


Oketa man save skam samtaems save wakem laya mesej wea hemi luk osem hemi from Facebook. Facebook bae neva askem iu foa paswod blong iu long imeil, o sendem iu wanfala paswod osem wanfala atasment. Foa lane moa [long hia](#).


### Hao foa spotim wanfala skam

Iu mas wari long olketa ya – hemi save saen dat samtng hemi wanfala skam:

- o Wanfala mesej askem iu foa konfemim pesinol infomeisin blong iu, osem nem, adres, deit taem iu bon o bank akaont diteil.
- o Wanfala kleim osem garem problem wetem bank akaont blong iu o peiment infomeisin.
- o Eniwan askem iu foa peim oketa wanfala fi.
- o Oketa mesej hemi garem wanfala tret o ejent ting.
- o Oketa mesej wetem spelling hemi no gud tuma an grama wea garem mistek.

**Rimember – waswe samtng hemi luk osem hemi gud tumas... hemi save osem skam.**





## Hao foa avoidim skam

- o Waswe iu no fil sua abaotim wanfala mesej iu tekem, no openim, an no rispond long disfala man.
- o Iu mas keaful olowe taem iu tekem wanfala mesej from wanfala man iu no save.
- o Iu mas no ken peim selen long, o searem - o blong eniwan else - pesinol infomeisin wetem samwan iu no save. Pesinol infomeisin hemi inkludim nemi blong pipol, eij, fon nambal, imeil o hom adres, skul, o foto aedentifikeisin, (osem wanfala paspot o laesins foa draev)
- o Rimemba dat oketa skama save pritend foa osem wanfala man iu save, osem wanfala fren o famali memba. Waswe iu saspektim diswan hemi hapen, iu save kontaktim disfala man long narafala wei foa mek sua hemi oketa, foa eksampol iusim fon namba iu save hemi tru wan blong oketa.
- o Iu mas rises olowe long hu nao iu dil wetem - visitim ofisol websait blong disfala oganaeseisin o kolem fon namba blong oketa foa konfemim dat oketa na wat oketa talem.

**Ripotim everi skam o saspises mesej long sem taem.** Faendim aot moa abaotim ripotim skam long [Facebook an Messenger](#), [Instagram](#) an [WhatsApp](#).

## Waswe iu tingting dat iu olketa mas skamim iu

- o If iu givim wanfala skama paswod blong onlaen akaont blong iu (login, paswod etc.), sensim paswod blong iu semtaem. Wakem niu paswod hemi strong an iunik.
- o If iu iusim sem paswod foa staka akaont o websait, sensim everiwan.
- o Waswe iu peim wanfala skama wetem wanfala kredit o debit kad, kontaktim bank o kredit kad kampani sem taem. Ripotim disfala skam an askem wat steps iu save tekem foa rivesim disfala peiment.

**Waswe iu o samwan iu save hemi viktim long wanfala kraem o hemi insaed long deinja, kontaktim lokol loa enfosmen o polis foa help.**

Foa moa infomeisin, lukim Netsafe New Zealand's [Tips foa Avoidim Skam](#).